

## DEDICATIO.

darvon droben lib. 3. cap. 1. nichts leben/ denn al-  
les was lebet vnd schwebet/ ist Lufft/ vnd wo  
die nicht ist/ da ist auch kein Leben/ Regen/ o-  
der Bewegen. Ja/ Feuer vnd Wasser/ können  
ohne Lufft nicht seyn. Das Feuer gibt von sich  
eine Lufft vnd Wind. Es ist kein Wasser so stil-  
le/es beweget sich oben in superficie. Das Feuer  
ist allenthalben in der Lufft/ auff vnd in der  
Erden/ doch bisweilen unsichtbar. Denn ligt  
es nicht wunderbarlicher Weise verborgen/ in  
Steinen/ Kalck/ Holtz/ vnd viel andern Ding-  
en/darinnen es unbegreifflich ist/ vnd unsicht-  
bar/ So bald es aber mit Gewalt gezwungen/  
vnd mit Stahl/ oder Eisen/ getroffen wird/ so  
springen die fewrigen Funcken heraus/ vnd  
so bald sie zunder/ oder sonst ein fehiger Ma-  
terien begreissen/ wird es als bald sichtbar vnd  
empfindlich/ bringt Nutz vnd Schaden/ nimt  
zu oder ab/ nach dem es Materien/ viel oder we-  
nig ergreift. Muß derwegen das Feuer neben  
den andern Elementen auch das seinige thun/

A iij

denn